

oogemahwewin, kiya enewh kekenooahmahga wenene-wun emah nesahwahyeesh oozedong, nahnonzh goo chebedahgweshing owh Shiloh ; me dush enewh kanah-zekahwahjin egewh ahneshenahbaig.

11 Ooge ketahgoobenon dush enewh oobazhegoogah-zheensemun emah zhahwemenahgahwunzheeng, kiya enewh oomangahshkahtaihsemun emah nahwuj wane-zheshenenejin zhahwemenahgahwunzheeng ; ooge kezegenonun dush enewh oodah gwewenun emah zhahwemenahboong, emah mesquahgahmig enewh zhahwemenun :

12 Oogah meskoo-kezhingwashkahgoon sah ewh zhahwemenahboo, oogah wahbeshkahbedashkahgoon dush ween ewh toodooshahboo.

13 ¶ Aindahzhe ahgwahyahshing sah tahdahnahke owh Zebulun ; oogah debahkoonahnun dush enewh emah aindahzhe ahgwahyahsing enewh nahbequahnun ; ewede dush Zidon tahahkooseneneh ewh oodahnahkewin.

14 ¶ Mashkahwezeed mangeshkahtaih sah owh Issachar, anegahgahweshkahgoojin enewh neenzhwahyekahnun :

15 Ooge wahbundon dush ewh oonesheshenenig ewh ahnwabewin, kiya menwaindahgwahdenig ewh ahkeh ; ooge zhahgahshkahwegunaton dush ewh pamoondung, ooge bahmetahwon dush enewh *wagemahwenejin*.

16 ¶ Dan dush ween oogahdebahkoonon enewh oodahneshenahbamun, tahbeshkoo goo enewh angoododawezenejin owh Israel.

17 Owah kenabig mekunong *ayod* sah tahahwe owah Dan, owah nawa emah mekunong taquahmod koo enewh pazhegoogunzheen emah oodoodunahning, cheahzhegewabahgoojenenid dush enewh pamoomahjin.

18 Ningeбетон sah ewh kenoojemooewawin O Tabinangayun.

19 ¶ Gad, oogah mahmonzheegoon sah enewh mehazwoonenewun : ishquoch dush ween goo oogah mahmonzheon.